

ԽԹ.

Հայկական Խորհրդատետրին ինչ ինչ մասերուն շուրջ յարուցուած յոյժ կարևոր
և հետաքրքրական հարցեր կը պարունակէ հետևեալ յարգի վաւերաթուղթը:

Գերապայծառի Տեառն Տեառն Մխիթարայ Արքայ Հօրոյ մերոյ
գերազանցի Աստուածարանուրեան վարդապետիդ

Վսեմագունիւ յարգութեամբ և բազմա սիրով և ողջունիւ յայտ լիցի, զի յայտ
ամի եկն աստ ի կոստանդնուպօլիս ոմն թիֆլիզցի ուղղափառ քահանայ Տէր Գաբրիէլ
անուամբ, որ գնացեալ ի յերկիրն լէհաց ի քաղաքն ըստանիսլաւ (ուր նստի Ստեփաննոս
վարդապետն լէհացի) դիպեալ է ոմանց նորագունից կարգաւորաց ուսելոց ի լաթին
դպրատան անդ եղելոյ, որոց տեսեալ զխորհրդատետրն՝ վերոյասացելոյ քահանային
(զտրբագրեցեալ խորհրդատետրն ի սրբոյ Ժողովոյն ասեմ զոր մէք ի կիր առնուք) ասա-
ցեալ են, թէ զայս խորհրդատետրս սրբագրողն ոչ գիտելով բարեպէս զլաթին լեզուն, չէ
բարեպէս սրբագրեալ և թիւր հասկացուցեալ է սրբոյ Ժողովոյն. ուստի սղալ է ասացեալ
են այն բան [«որ աղբիւրդ ես կենաց»] աղօթին, ուր ասէ (Տպաւորեա՛ յոգւոջ սոցա
զձև մարմնոյ ցուցակի), այլ ասելի է այսպէս (տպաւորեա՛ յոգւոջ սոցա զայս գոլ ճմարիտ
մարմին և արին Տեառն մերոյ և փրկչին Յիսուսի Քրիստոսի) տարածելով ի վերայ
մարմնոյն Քրիստոսի զգորութիւն բանին. և այսու կերպիւ սրբագրեալ են զխորհրդատետրն
այսմիկ քահանայի որ այժմ բնակի աստ. և բաց յայսմանէ ներմուծեալ են զերկու
աղօթս ի յերկու տեղիս ասելով թէ պակասէ այս խորհրդատետրս և ի մեր կատարեալ
խորհրդատետրէն լրացուցանեմք զսա. արդ առաջին աղօթն այս է. Զքեզ ուրեմն ամե-
նագթած հայր ի ձեռն Յիսուսի Քրիստոսի որդւոյ քոյ տեառն մերոյ, խոնարհեալք
աղաչեմք և խնդրեմք, զի ընկալցիս և օրհնեսցես զնուէրս ✠ զայս, և զտուրս ✠, և
զտուրք ✠ պատարագս ամբիժ, զոր քեզ մատուցանեմք. վասն զի սուրբ սուրբ սուրբ ես:
Զայս աղօթս գրեալ են զկնի աղօթին [« արժան է ստուգապէս և իրաւ [»] և այլն: Երկրորդ
աղօթն այս է. Երկիր պագանեմք քեզ Քրիստոս փրկութիւն աշխարհի, բան Հօր պատարագ
կենդանի ճմարիտ մարմին, անարատ Աստուած, և կատարեալ մարդ. որպէս բերանովս
խոստովանիմ, նոյնպէս և հոգւովս դաւանիմ և հաւատամ. աղաչեմ զքեզ որդի սուրբ
Աստուած տէր ամենակալ, շնորհել մեղաց իմոց զթողութիւն, և տալ ծառայիս քում
զոգի զգաստութեան, որ և փրկեցայց քե ի յաւիտենական հրոյն վասն կամաւոր չար-
չարանաց քոց. զի դու ես ճմարիտ Գառն Աստուծոյ, որ բաշխիս ի փրկութիւն ազգի
մարդկան և բառնաս զմեղս աշխարհի: Զայս աղօթս գրեալ են յառաջ քան զաղօթն.
Նայեաց տէր մեր Յիսուս Քրիստոս յերկնից, և այլն: Բաւ է ողջ լերուք:

1733 յունիսի 29

[Կ. Պոլիս]

Ն. ՆՐ. Տ[էրութեան] Հ. Թօմաս Վ[արդապետ]

Ծ.

Յառաջ կը վարէ Հ. Եղիա մանրամասն տեղեկութիւնները իր պաշտօնավայրի
առօրեայ կեանքին՝ ինչպէս նաև քաղաքական ինչ ինչ դէպքերու շուրջ, որոնք շա-
րունակութիւն են մեր ԽԶ վաւերաթուղթին պարունակութեան:

Մայր Դիւան